



Broj: 01/1-45- /24  
Bihać, 03.04.2024.godine

**ZAPISNIK**  
**sa 16. redovne sjednice Skupštine Unsko-sanskog kantona**  
**održane dana 02.04.2024.godine**

16. redovna sjednica Skupštine Unsko-sanskog kantona održana je dana 02.04.2024.godine (utorak) s početkom rada u 10,00 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 26 zastupnika.

Odsutni su: Amir Murić, Hajrudin Halilović, Agan Bunić i Jasmin Hušić.

Zikrija Duraković, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine utvrdio dnevni red 15. redovne sjednice Skupštine Unsko-sanskog kantona na osnovu materijala koji su se nalazili u Skupštini. Također, upoznao je zastupnike sa prijedlogom Vlade USK da se Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija i Prijedlog Zakona o izmjenama i dopunama Zakona o prostornom uređenju i građenju, razmatraju po skraćenoj proceduri.

Predsjedavajući Skupštine je otvorio raspravu o zahtjevu Vlade Unsko-sanskog kantona da se navedeni zakoni razmatraju po skraćenoj proceduri.

(Sjednici je pristupio zastupnik Jasmin Hušić u 10:35 sati).

Učešće u diskusiji uzeli su: Nisvet Jusić, Mladen Lonić, Asmir Ćufurović i Emir Dautović.

Zikrija Duraković, predsjedavajući Skupštine Unsko-sanskog kantona zatvara raspravu o skraćenoj proceduri, te isto daje na glasanje.

Sa 16 glasova »za«, 7 glasova »protiv« i 3 glasa »suzdržan Skupština Unsko-sanskog kantona usvojila je sljedeći

**ZAKLJUČAK**

Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija razmatrat će se po skraćenom postupku.

Također izvršeno je pojedinačno glasanje: 17 glasova »za«, 7 glasova »protiv« i 3 glasa »suzdržan«.

Sa 20 glasova »za«, 3 glasa »protiv« i 4 glasa »suzdržan« Skupština Unsko-sanskog kantona usvojila je sljedeći

### **ZAKLJUČAK**

Prijedlog Zakona o izmjenama i dopunama Zakona o prostornom uređenju i građenju razmatrat će se po skraćenom postupku.

Zatim je Predsjedavajući Skupštine pročitao dnevni red 16. redovne sjednice Skupštine Unsko-sanskog kantona

### **Dnevni red**

1. Zapisnik sa 15. redovne sjednice,
2. Poslanička pitanja,
3. Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija,
4. Prijedlog Zakona o izmjenama i dopunama Zakona o prostornom uređenju i građenju,
5. Nacrt Zakona o prevenciji i suzbijanju korupcije u Unsko-sanskom kantonu,
6. Prijedlog Odluke o davanju saglasnosti na Finansijski plan Zavoda zdravstvenog osiguranja Unsko-sanskog kantona za 2024.godinu i Odluke o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2024.godinu,
7. Prijedlog Odluke o davanju saglasnosti za izgradnju svlačionica i popratnih prostorija JU OŠ „Stijena“ Cazin,
8. Rezolucija o unaprjeđenju zdravstva u Unsko-sanskom kantonu.

### **RASPRAVA I ODLUČIVANJE PO UTVRĐENOM DNEVNOM REDU**

#### **Ad.-1.**

#### **Zapisnik sa 15. redovne sjednice**

Bez diskusija, sa 27 glasova »za«, bez glasova »protiv« i bez glasova »suzdržan« Skupština Unsko-sanskog kantona usvojila je Zapisnik sa 15. redovne sjednice.

#### **Ad.-2.**

#### **Poslanička pitanja**

Poslanička pitanja postavili su: Nisvet Jusić, Azhar Sejarić, Aida Pašić, Irma Fatkić, Fatka Kulenović, Almin Hopovac, Nijaz Kadirić, Azra Tajić, Rusmira Konjević, Emir Dautović i Sanil Hasić.

Nakon postavljenih poslaničkih pitanja, ministar Ministarstva Finansija Unsko-sanskog kantona Danko Jakšić, dao je usmeni odgovor na poslaničko pitanje zastupnice Fatke Kulenović.

### **Ad.-3.**

#### **Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija**

Izjavitelj: Dragan Polimanac, ministar Ministarstva pravosuđa i uprave Unsko-sanskog kantona.

Ispred radnih tijela:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija.

(Sjednici je pristupio zastupnik Agan Bunić u 11:50 sati).

Učešće u diskusiji uzeli su: Irma Fatkić, Nijaz Kadirić, Jasmin Musić, Nisvet Jusić, Emir Dautović, Fatka Kulenović, Sanil Hasić, Azhar Sejarić, Almin Hopovac i Agan Bunić.

Nakon zatvaranja rasprave predsjedavajući je dao na izjašnjavaње Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija.

Sa 17 glasova »za«, 7 glasova »protiv« i 4 glasa »suzdržan«, Skupština Unsko – sanskog kantona usvojila je **Prijedlog Zakona o dopunama Zakona o organizaciji i nadležnostima kantonalnih organa uprave i upravnih organizacija**.

Također, izvršeno je pojedinačno glasanje o predmetnoj tački dnevnog reda: 17 glasova »za«, 7 glasova »protiv« i 4 glasa »suzdržan«.

### **Ad.-4.**

#### **Prijedlog Zakona o izmjenama i dopunama Zakona o prostornom uređenju i građenju**

Izjavitelj:

- Almir Imširović, ministar Ministarstva za građenje, prostorno uređenje i zaštitu okoliša Unsko-sanskog kantona,
- Predstavnicā USAID BiH.

Ispred radnih tijela Skupštine:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Ines Delić, predsjedavajuća Komisije za prostorno uređenje, planiranje, komunalne djelatnosti, zaštitu okoliša i turizam.

Učešće u diskusiji uzeli su: Elvira Abdić Jelenović, Asmir Ćufurović, Azra Tajić, Šuhret Fazlić, Jasmin Hušić, Nisvet Jusić i Fatka Kulenović.

(Sjednici je pristupio zastupnik Hajrudin Halilović u 13:05 sati).

Nakon zatvorene rasprave predsjedavajući je dao na izjašnjanje Amandman Kluba SDA na Prijedlog Zakona o izmjenama i dopunama Zakona o prostornom uređenju i građenju, koji glasi: „Član 125. mijenja se i glasi:

#### Član 125.

(Bespravno izgrađene građevine)

- 1) Građenje građevina bez pravosnažnog odobrenja za građenje nije dozvoljeno,
- 2) Građevine izgrađene bez odobrenja za građenje ne mogu se priključiti na uređaje i instalacije komunalne i druge infrastrukture (vodovod, kanalizacija, elektrovod, toplovod, telekomunikacijski vodovi, javni put i dr.),
- 3) Izuzetno, objekti (stambeni i vikend objekti) izgrađeni bez odobrenja za građenje mogu se povremeno priključiti na komunalne instalacije i drugu infrastrukturu (vodovod, kanalizacija, elektrovod, toplovod, telekomunikacijski vodovi, javni put i dr.) ukoliko su ispunjeni sljedeći uslovi:
  - a) da je u toku postupak njegove legalizacije,
  - b) da je stambeni ili vikend objekat izgrađen,
- 4) Pisanu saglasnost za privremeno priključenje individualno stambenog ili vikend objekta izgrađenog bez odobrenja za građenje, izdaje organ uprave nadležan za izdavanje odobrenja za građenje ukoliko su ispunjeni uslovi iz stava (3) ovog člana,
- 5) Privremeno priključenje iz stava (3) ovog člana traje do ispunjenja uslova za trajno priključenje ili do uklanjanja objekta izgrađenog bez odobrenja za građenje,
- 6) Vlasnici bespravno izgrađenih građevina nemaju pravo na naknadu u slučaju uklanjanja građevine na osnovu odluke ili rješenja nadležnog organa uprave”.

Sa 22 glasa »za«, 7 glasova »protiv« i bez glasova »suzdržan« Amandman Kluba SDA je dobio potrebnu većinu.

Sa 23 glasa »za«, bez glasova »protiv« i 6 glasova »suzdržan«, Skupština Unsko – sanskog kantona usvojila je **Prijedlog Zakona o izmjenama i dopunama Zakona o prostornom uređenju i građenju.**

#### Ad.-5.

#### **Nacrt Zakona o prevenciji i suzbijanju korupcije u Unsko-sanskom kantonu**

Izvjestilac: Dragan Polimanac, ministar Ministarstva pravosuđa i uprave Unsko-sanskog kantona.

Ispred radnih tijela Skupštine:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Jasmin Hušić, predsjedavajući Komisije za borbu protiv korupcije, pitanja sigurnosti i nadzora zakonitosti rada.

Učešće u diskusiji uzeli su: Azra Tajić, Jasmin Hušić, Elvira Abdić Jelenović, Asmir Ćufurović, Mladen Lonić, Emir Dautović, Irma Fatkić i Nisvet Jusić.

Nakon zatvorene diskusije Dragan Polimanac, ministar Ministarstva pravosuđa i uprave Unsko-sanskog kantona, dao je odgovore na postavljena pitanja zastupnika.

Sa 27 glasova »za«, bez glasova »protiv« i bez glasova »suzdržan«, Skupština Unsko – sanskog kantona usvojila je sljedeći

## ZAKLJUČAK

### Član 1.

Prihvata se Nacrt Zakona o prevenciji i suzbijanju korupcije u Unsko-sanskom kantonu.

### Član 2.

Zadužuje se Ministarstvo pravosuđa i uprave da u roku od 90 dana provede javnu raspravu o nacrtu Zakona o prevenciji i suzbijanju korupcije u Unsko-sanskom kantonu.

### Ad.-6.

**Prijedlog Odluke o davanju saglasnosti na Finansijski plan Zavoda zdravstvenog osiguranja Unsko-sanskog kantona za 2024.godinu i Odluke o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2024.godinu**

Izjavitelj: Ibrahim Tatarević, šef službe za planiranje u Zavodu zdravstvenog osiguranja Unsko-sanskog kantona.

Ispred radnih tijela Skupštine:

- Asmir Ćufurović, predsjedavajući Komisije za budžet, ekonomsku i finansijsku politiku,
- Hajrudin Halilović, predsjedavajući Komisije za zdravstvo, boračka pitanja, rad i socijalnu politiku.

Učešće u diskusiji uzeli su: Nijaz Kadirić, Azra Tajić, Emir Šabić, Hajrudin Halilović, Irma Fatkić, Emir Dautović, Fatka Kulenović, Jasmin Hušić, Zinajda Hadžić, Azhar Sejarić, Rasmira Konjević, Jasmin Musić.

Nakon zatvorene diskusije odgovore na postavljena pitanja zastupnika ispred Zavoda zdravstvenog osiguranja Unsko-sanskog kantona dali su direktor Zavoda Adis Hamzić i šef službe za planiranje Ibrahim Tatarević.

Po Poslovniku za diskusiju se javila zastupnica Irma Fatkić i zastupnik Emir Šabić.

Na zahtjev Kluba Stranke demokratske akcije predsjedavajući je dao pauzu u trajanju od 5 minuta.

Sa 24 glasa »za«, bez glasova »protiv« i 1 glasom »suzdržan«, Skupština Unsko – sanskog kantona usvojila je sljedeći

## ZAKLJUČAK

Zadužuje se Ministarstvo zdravstva, rada i socijalne politike da u narednih 15 dana predloži Vladi Unsko-sanskog kantona da se formira ekspertna grupa koja će pratiti tokove novca Zavoda zdravstvenog osiguranja, Kantonalne bolnice „Dr. Irfan Ljubijankić“, svih domova zdravlja i Opće bolnice Sanski Most.

27 glasova »za«, bez glasova »protiv« i bez glasova »suzdržan«, Skupština Unsko – sanskog kantona usvojila je sljedeći

## ZAKLJUČAK

Traži se od Zavoda zdravstvenog osiguranja Unsko-sanskog kantona da refundira sredstva pacijentima koji su od 01.01.2024.godine bili korisnici zdravstvenih usluga ili koji su koristili zdravstvena ortopedska pomagala koja su kupili za svoj novac: Implatibilni cardioverter defibrilator (ICD), Mamma print, senzori za šećer za pacijente preko 26 godina, sufinansiranje potpomognute oplodnje, lijek Alteplaza i Humira, a za šta su predviđena sredstva Finansijskim planom Zavoda zdravstvenog osiguranja Unsko-sanskog kantona za 2024.godinu.

27 glasova »za«, bez glasova »protiv« i bez glasova »suzdržan«, Skupština Unsko – sanskog kantona usvojila je sljedeći

## ZAKLJUČAK

Zadužuje se Zavod zdravstvenog osiguranja da iz sredstava tekuće rezerve predviđenih Finansijskim planom Zavoda za 2024.godinu izdvoji 180.000 KM za finansijsku podršku funkcionisanja Opće bolnice Sanski Most.

Sa 27 glasova »za«, bez glasova »protiv« i bez glasova »suzdržan«, Skupština Unsko – sanskog kantona usvojila je **Odluku o davanju saglasnosti na Finansijski plan Zavoda zdravstvenog osiguranja Unsko-sanskog kantona za 2024.godinu i Odluke o načinu izvršavanja Finansijskog plana Zavoda zdravstvenog osiguranja Unsko-sanskog kantona za 2024.godinu.**

**Ad.-7.**

**Prijedlog Odluke o davanju saglasnosti za izgradnju svlačionica i popratnih prostorija JU OŠ „Stijena“ Cazin**

Izvjestilac: ministar Ministarstva obrazovanja, nauke, kulture i sporta Unsko-sanskog kantona Denis Osmankić.

Ispred radnih tijela Skupštine:

- Fatka Kulenović, predsjedavajuća Komisije za ustavna, zakonodavno pravna i pitanja evropskih integracija,
- Almin Hopovac, predsjedavajući Komisije za obrazovanje, nauku, kulturu, sport i mlade.

Učešće u diskusiji uzeli su: Aida Pašić, Emir Dautović i Almin Hopovac.

Sa 23 glasa »za«, bez glasova »protiv« i bez glasova »suzdržan«, Skupština Unsko – sanskog kantona usvojila je **Prijedlog Odluke o davanju saglasnosti za izgradnju svlačionica i popratnih prostorija JU OŠ „Stijena“ Cazin.**

**Ad.-8.**

**Rezolucija o unaprjeđenju zdravstva u Unsko-sanskom kantonu**

Izjavitelj: Jasmin Hušić, zastupnik u Skupštini Unsko-sanskog kantona.

Ispred radnih tijela Skupštine:

- Hajrudin Halilović, predsjedavajući Komisije za zdravstvo, boračka pitanja, rad i socijalnu politiku.

Nije bilo prijavljenih diskutanata.

Sa 19 glasova »za«, bez glasova »protiv« i bez glasova »suzdržan«, Skupština Unsko – sanskog kantona usvojila je **Rezoluciju o unaprjeđenju zdravstva u Unsko-sanskom kantonu.**

S ovim je završena 16. redovna sjednica Skupštine Unsko-sanskog kantona.

Sekretar Skupštine  
Unsko – sanskog kantona  
Dragana Bajrić, dipl.pravnik

Predsjedavajući Skupštine  
Unsko – sanskog kantona  
Zikrija Duraković